



Broj: 01-183/15
Vareš, 30.11. 2015. godine

Na osnovu člana 22. , a u vezi sa članom 95. stav 2. Statuta Općine Vareš -Prečišćen tekst, broj: 01 – 162/12 od 11.09.2012. godine, člana 21. stav 5. Zakona o eksproprijaciji Federacije BiH („ Sl.novine FBiH“, broj: 70/07, 36/10 i 25/12), Općinsko vijeće Vareš, na 31. sjednici održanoj 30.11. 2015.godine, d o n o s i

R J E Š E N J E

o stavljanju van snage Rješenja o utvrđivanju javnog interesa

Stavlja se van snage Rješenje Općinskog vijeća Vareš, broj: 01-79/12 od 29.03.2012. godine kojim je po prijedlogu Kantonalnog javnog preduzeća „ZOI 84“ Olimpijski centar Sarajevo d.o.o. Sarajevo, utvrđen javni interes za izgradnju turističko-rekreacionog centra „DOLI“ – Ravne, općina Vareš, radi potpune i nepotpune eksproprijacije nekretnina označenih kao dio k.č. broj: 1441, 1430/1 i 1430/332 k.o. Blaža, što po novom premjeru odgovara nekretnina označenim kao k.č. broj 1766/1, 1766/3 i dijelu 1766/1 i 1796 k.o. Ravne.

O b r a z l o ž e n j e

Po zahtjevu Kantonalnog javnog preduzeća „ ZOI 84“- Olimpijski centar d.o.o. Sarajevo, Općinsko vijeće Vareš, utvrdilo je javni interes za izgradnju turističko-rekreacionog centra „Doli“ Ravne, Rješenjem broj: 01-79/12 od 29.03.2012. godine, a radi potpune i nepotpune eksproprijacije nekretnina u državnom vlasništvu..

Potpuna eksproprijacija se odnosila na zemljište koje je već izgrađeno od strane Šumsko-privrednog društva ZDK d.o.o. Zavidovići, označeno kao k.č. broj 1430/332 Dolovi, pašnjak u površini od 14.080 m² i nepotpuna eksproprijacija koja bi se odnosila na ostalo zemljište koje se ne bi gradilo ali bi se uredilo u svrhu turističko-rekreacionog centra.

Članom 21. stav 5. Zakona o eksproprijaciji, propisano je: „Ako je javni interes utvrđen aktom Vlade, vlade kantona ili općinskog vijeća prijedlog za eksproprijaciju se može podnijeti u roku od dvije godine od dana donošenja tog akta“.

Kako korisnik kao podnosilac zahtjeva za utvrđivanje javnog interesa, i ako je prošlo više od tri godine od donošenja Rješenja o utvrđivanju javnog interesa, nije podnio prijedlog za eksproprijaciju niti je korisnik uputio bilo kakav zahtjev da odustaje od podnošenja istog, i ako je pozivan od strane ovog organa, Općinsko vijeće Vareš , a zbog propuštenog roka

propisanog članom 21. stav 5. Zakona o eksproprijaciji, donosi Rješenje o stavljanju van snage Rješenja o utvrđivanju javnog interesa broj: 01-79/12 od 29.03.2012. godine.

Protiv ovog Rješenja može se pokrenuti upravni spor podnošenjem tužbe kod Kantonalnog suda u Zenici, u roku od 30 dana od dana dostavljanja Rješenja. Tužba se podnosi neposredno sudu.

DOSTAVLJENO:

1 x KJP „ZOI 84“ Sarajevo

1 x Služba 02/1

1 x a.a.

**PREDSJEDAVAJUĆI
OPĆINSKOG VIJEĆA**

Zdravko Marošević

O b r a z l o ž e n j e

Kantonalno javno preduzeće „ ZOI 84“ - Olimpijski centar d.o.o. Sarajevo, podnijelo je zahtjev kojim je zatražilo da im se od strane Općinskog vijeća Vareš, utvrdi javni interes za izgradnju turističko-rekreacionog centra „Doli“ Ravne. Općinsko vijeće je Rješenjem broj: 01-79/12 od 29.03.2012. godine, utvrdilo javni interes radi potpune i nepotpune eksproprijacije nekretnina u državnom vlasništvu..

Potpuna eksproprijacija se odnosila na zemljište koje je već izgrađeno od strane Šumsko-privrednog društva ZDK d.o.o. Zavidovići označeno kao k.č. broj 1430/332 Dolovi, pašnjak u površini od 14.080 m², i nepotpuna eksproprijacija koja bi se odnosila na ostalo zemljište koje se ne bi gradilo ali bi se uredilo u svrhu turističko-rekreacionog centra.

Rješenje o utvrđenom javnom interesu kao akt važi 2 godine od dana donošenja u kom roku korisnik eksproprijacije je bio dužan da podnese prijedlog za eksproprijaciju.

Korisnik kao podnosilac zahtjeva za utvrđivanje javnog interesa, do danas nije podnio prijedlog za eksproprijaciju niti je korisnik uputio bilo kakav zahtjev da odustaje od podnošenja istog, iz kojih razloga se predlaže da Općinsko vijeće u skladu sa odredbama člana 21. stav 5. Zakona o eksproprijaciji, donese Rješenje kojim će Rješenje broj gornji staviti van snage jer prijedlog za eksproprijaciju nije podnjet u zakonskom roku.

**PREDLAGAČ
OPĆINSKI NAČELNIK**

Kovačević Avdija, dipl.pravnik